

樂山縣志卷十一

藝文志

碑記

唐韋皋嘉州凌雲寺大佛像記

惟聖立教惟賢啟聖用大而利博功成而化神卽於空開塵刹之迷垂其象濟天下之險嘉州凌雲寺大佛石像可以觀其旨也神用潛運風濤密移胖蠻幽晦孰原其故在昔岷江沒日漂山東至犍爲與涼山鬪突怒哮吼雷霆百里縈繳觸崖蕩爲厥空舟隨波去人亦不予惟蜀雒都控引吳楚建茲淪溺日月繼及開元初有沙門海通者哀此習險厥惟天難尅其能仁迴彼造物以此山淙

樂山縣志

卷十一

藝文志 碑記

一

流激湍峭壁萬仞謂石可改而下江可積而平若廣開慈容廓輪相善因可作衆力可集由是崇未來因作古佛像俾前刳後刳修之無窮於是規廣長圖堅久頂圍百尺日廣二丈其餘相好一以稱之惟子來財則檀施江湖淮海珍貨畢至債師金工亦罔不臻於是人夫競力千鎚齊奮大石雷墜伏螭潛駭巨谷將盈水怪易空時積日競月將歲就不數載而聖容儼然岩岩亭亭岌岌青冥如現大身滿虛空界驚流怒濤險自砥平蕭蕭空山寂照煙月由內及外觀心類境則八風澄而愛河靜也余以爲人之生也違道好徑故哲聖因其所欲示之以進修其行滿於此而福應在彼理甚昭矣至奪天險以慈力易暴浪爲安流何哉詳萬緣本生於妄



知妄本寂萬緣皆空空有尙無險夷焉在至聖寂照非空非有隨  
感則應唯識淺深化於無源奚有不變非天下之至神其孰能平  
斯險也彼海上人發誠之至救物之宏時有郡吏求賄於禪師師  
曰自目可剋佛財難得吏怒曰嘗試將來師乃自抉其目捧盤致  
之吏大驚奔走祈悔夫專誠一意至忘其身雖廻山轉日可也况  
宏我聖道勵茲羣心安彼暴流俾其寧息其應速宜矣而功巨因  
廣其費億萬金全身未畢禪師去世於戲力善歸仁爲可繼也其  
後有運帥章仇兼瓊者持俸錢廿萬以濟其經費開元中詔賜麻  
鹽之稅實資修營事感天人尅遵前志諒禪師經始之謀大慮終  
之智朗苟利物以便人期億劫以同濟貞元初資天子命我守茲

樂山縣志

卷十一

藝文志 碑記

二

坤隅乃謀匠石籌厥庸從蓮花座上至於膝功未就者幾百尺貞  
元五年詔郡國伽藍修舊起廢遂命工徒以俸錢五十萬佐其費  
或丹采以章之或金寶以嚴之至今十九年而趺足或形蓮華出  
水如自天降如從地湧衆設備矣相好具矣爰紀本末用昭厥功

宋文同嘉州平羌縣新修夫子廟記

頃川道士李有慶過叩訪余謂余曰漢嘉屬邑曰平羌者其令尉  
相與增修夫子廟成欲君侯文以紀歲月且未敢使有慶侯君侯  
可否應之曰予何敢當此雖然二君與余無一日之舊不以屬他  
人而獨諉於余意特厚或辭焉缺其望矣但未知其所以廢起之  
由爲此復何讓道士曰聞之其先有屋數椽惟春秋二丁其令始



一過其闌爲行釋奠禮者既出乃闔戶不復顧風揭雨灌虺鼠鑄  
潰液瀾頽壓墟落如也嘉祐元年令始平馮君玠創殿一區塑夫  
子像圖十哲於壁後晏君升卿用安靜掾薦者治此景君思誼以  
才侯子試吏爲之佐二君幹敏而文智參謀同臬地繩基復圖補  
完縣之秀民呂甄等趨善向教就集厥事願進材用交章委薦起  
五年季冬甲子訖六年仲春癸亥不費公不暴私凡若干楹內外  
悉具虛敞深靖崇庠有制蜚移連連巍譙鸞藏俎豆儲典籍召  
良師延美士於是邑之佳子弟抱書楚楚來立門下願肄業于其  
間二君咸與之進勸教不倦其大抵如此余曰是能爾耶賢哉其  
爲也今夫仕進者不自計其中之所有而所治才徧辟則嗟悔怨

樂山縣志

卷十一

藝文志 碑記

三

懟一切放墮不事事或倚上官視聽不相及恣用貪狼椎剝其下  
以厭已之欲是此等天下常不少矣今二君所蒞之邑在蜀無與  
較其小而能先務教本以篤其俗使詩書禮樂之術日薰染其耳  
目是知爲政之大端也簿書期會之末略解事者皆能之豈足爲  
二君美哉道士待余文持去故述其所言甚略是年五月十日記

宋魏了翁徂徠石先生祠堂記

徂徠石守道先生景祐中嘗爲嘉州軍州事推官後百四十年故  
兵部侍郎陽安趙公介居是官始卽解之西偏爲直節堂以館先  
生象歲久不治寶慶三年唐安張君光祖爲嘉定軍節度推官徹  
而新之仍存舊榜而以書抵靖俾某識其事竊惟世降俗薄是非



習於好惡向背變於死生者何可勝數迨夫歲月浩渺情僞寂寥而著乎人心者隱然與所寓俱存是區區者誰實使之况先生之仕于嘉才月餘耳而閱二百年惟先生爲不可忘此非可幸而得也先是天聖以前師道久廢自先生從孫明復氏執禮甚恭東諸生始知有師弟子自先生覃思六經排抵二氏東諸生始知有正學仕嘉州丁內外艱去官垢面跣足躬耕徂徠之下葬五世未葬者七十喪孝弟之風刑于國人去喪召爲國子監直講會天子進退大臣增置諫官御史銳意求治先生奮不顧禍爲聖德詩七百言尋又以伊周望大臣於是連忤姦相雖蓋棺之後殆且不保凡二十一年始得歐陽公之銘以葬夫人道之要有三曰父曰君曰

樂山縣志

卷十一

藝文志 碑記

四

師蓋無父無生無君無以生無師猶無生也是謂在三惟其所在而致其忠愛焉舍此而它求雖有麗藻洽聞不足以爲學也而先生之所服行者在此而不在彼其爲言曰學者學爲仁義者也惟忠能忘其身唯篤於自信乃可以力行也故以是行已雖朝諄而夕替所不皇恤然則士之登斯堂也居是官也考言觀行其亦知所擇哉昔歐公考先生之文嘗爲詩曰後世苟不公至今無聖賢又曰我欲犯衆怒爲子記此冤嗚呼既曰後世必有公者而尙冤之足慮張君其以是書諸石雖地遠世後必有發於斯言者矣

宋魏了翁嘉定府延祥觀鐘銘

二五之運徵爲五聲周流相濟混綏相成人於天地稟氣受形蓋



與聲律一本而生故爲大鋪以首八音夙夜聽之和平其心是謂天合匪石匪金樂廢禮壞聲謝器沈二氏之宮僅存於今制雖戾古所發亦深尙敬爾聰后帝女臨

宋陸游岑嘉州詩集跋

余自少時絕好岑嘉州詩今年自唐安別駕來攝犍爲旣畫公像齋壁又雜取世所傳公遺詩八十餘篇刻之以傳知音律者不獨備此邦故事亦平生素意也乾道癸巳八月三十日題

明楊慎清音競秀詩卷序

蟠峯李子子安銜使於蜀東阜劉子作詩贈之狷齋謝子繼之東谷敖子三之初亭程子四之耄子不敏五之屬而和者又若干首

樂山縣志

卷十一

藝文志 碑記

五

萃以成什乃孟冬廿日會於凌雲之清音競秀兩亭臨睨久之且邀予篆題予卽以二亭名名卷蟠峯子曰義曷取乎噫山水之清音無幾耳巖壑之競秀無幾耳與夫啄鳴之善也疇類之合也猶之山水巖壑也亦無幾耳予行萬里閱人多矣所咏嘆緘藏者僅是所爲留連徙倚者僅是茲可曰無擇穀乎率是道也於學術分其眞贗於朋從分其鳳鷲於尙友師其峻特於剽務審其義命可以禔身可以大畜可以樂羣可以同人畜之大者德之崇也人之同者業之廣也推是說也雖終身行之可也希翹爲山水詩辭指哉髦予不敏題以爲清音競秀詩卷序

明郭子章續刻茶經序



余出試嘉州登凌雲山山九峯相向予字之曰小九巖寺僧飲予  
茶色似虎邱味逼武夷而泛綠含黃清馥芳烈伯仲天目六安予  
摘其芽命僧旋焙之歸以飲藩臬諸公亡不稱良者予同年張仁  
卿以龍安司李攝嘉州予語嘉之嘉無嘉於凌雲茶張君至嘉報  
予曰誠如君喻顧茶經未及載予欲續貂陸經子爲闡凌雲之幽  
以補竟陵之缺

明袁子讓眉山得士錄序

嘉古眉山郡眉山之陽有蘇稽里爲蘇頲羈留地也頲實蘇氏家  
眉山之始越數百年而有長公不寧亢蘇且張蜀焉蜀中山水惟  
嘉最勝俯仰蜀才惟長公奇予受事眉山覽山水之勝蜿蜒扶輿

樂山縣志

卷十一

藝文志 碑記

六

知長公之奇固非嘉山水不能孕也及與多士接閱其所爲文則  
嘉山水之奇又若非長公之所能盡也視篆以來一月兩課士以  
其文稱量之與諸士約曰文章內原心術外抒行誼欲求有的要  
於奇不失正卽如長公之文詎不奇甚而未嘗不軌於正也諸士  
以爲然相與守之戶誦家傳以步趨長公爲的然終閱其文危者  
屬出急者湍發層出者如九山突兀湍發者如三水飛流總之成  
嘉州山水之奇而未會山水之妙也年餘拾其奇不傷正者手爲  
之筆削而剗削之命曰眉山得士錄取其彫歸於樸絢反其素有  
蜀山之罕律而削其嶮巖有蜀水之渙灑而平其澎湃非以文跨  
諸士卽以諸士之文還範諸士也非強諸士命型於我卽假眉山



之前修還鑄眉山之後學也夫文章止於進取亦鉛槧耳使其內關心術則初宜敦其本而外關行誼則末欲防其流生心害政可云細故乎由長公之文論長公之世則議忤介甫至正也力闢青苗至惠也節百折而不回至忠也家無十金之囊至潔也四海以爲家至無我也此其人心術何如端行誼何如介孰非文章之所橫流而濬發乎古人以立德立功立言爲不朽事而析之爲三亦從表見處臚列之而孰知立言之卽立功也立功之卽立德也詩云高山仰止又曰其則不遠多士重念之道德則聖賢功名則卿相非異人任令人謂嘉州之得士不徒得文章士亦得心術行誼士也眉山其增而高乎不佞實有一日之知矣

樂山縣志

卷十一

藝文志 碑記

七

明陳起龍重修凌雲寺記

天下山水在蜀蜀山水在嘉嘉山水在凌雲古誌之矣余以奉命省方宣德類情斥候之堅瑕官員之利弊四野之哀鴻都邑之修廢職在周知夙夜在公罔游於逸焉但嘉定舊稱海棠香國而宣朗佳奇莫加於凌雲公餘之暇暫假登眺於是取渡保平有龍泓口八仙洞歷東山寺踰嶺而下過普濟橋面托塔天王有放生碑在焉縱步而上路經峭壁堦挺幽坦似浮水上有兜率宮雨花臺披襟臨風劃然長嘯不覺身在天際非人間也爾迺接三江之奔流如風檣陣馬之奇覽三峨之雒峙如屏嶂墀堞之勝坐九頂峯中如所謂集鳳望雲擁翠棲鸞就日丹霞者何異入山陰道中佳



景愈出愈奇令人應接不暇也况乃洗墨池清音亭註易洞寶塔  
山祖師菴俱爲名勝昔唐韋皋鎮蜀江有伏螭作崇往來舟楫多  
受覆沒鑿大佛像以鎮之陵險爲夷至今食功德焉中構正殿山  
阿蓊郁備諸蘊蓄左右尊者莫不畢具奈何烽燧頻仍寶鴻閣遂  
就傾圯豈運數迤邐山靈亦受蒙塵與余謂氣數絲天振起絲人  
山川風物動關國靈曾記鑿大佛時海通禪師發至誠心抉目勵  
衆遂安彼暴流成彼巨功嗣後者補葺獨不可聞而興乎因是與  
同事將軍督鎮矢志恢復盡出囊中鳩工採木不移時而正殿金  
像經樓廊廡次第成焉雖未驟見美富如初而規模已草創矣俟  
後之君子有同心者必有見而感感而漸爲潤色者庶幾惠徼佛  
樂

山縣志

卷十一

藝文志 碑記

八

明尹東郊重新凌雲寺記

全蜀名藍古刹隨地有之彌望列境若凌雲寺可謂獨得形勝之  
甲者去郡里許九峯峭峙據嘉水東第一幽處躡虛而登逶迤達  
其嶺中有寶坊高朗雄麗俯眺山川城郭舉目可得一郡佳境畢  
斯會焉上巖石菟異若犢駭若隼立若豹躍虎踞橫縱偃仰益玩



益奇有林木蒼蔚紺碧滑膩又有三峨如戟控其西錦水雅江合流襟其麓唐開元初僧海通者見驚濤怒駛覆舟滄稼卽危巖鑿石肖梵王鉅像以禦斯害宅心仁矣第工費浩瀚未易底成通物故由是繼作有施俸錢計萬以充工者上賜麻鹽稅以資修營有增覆九層傑閣者崑高數千尺嶙峋若罨畫下有碧潭爲蛟龍窟雲蒸日曝光彩激射過者爽徹毛骨股栗不敢褻視岩左石壁右有大像閣遺刻岡之上有塔循逕折入綠陰中踰小坂曰後菴四顧清景逼人鳥韻泉香莫罄狀述歷朝勅賜凌雲大佛寺額章臬陸游諸賢賸有雄文詩什鳴是山之盛僧千峯梵行峻著蛻軀尙存恒默蔭山靈故居僧代多謹飭者洪武八年僧惟才識優建造

樂山縣志

卷十一

藝文志 碑記

九

佛有殿禪有堂僧有寮肅賓有室敞者爲軒幽邃者爲寢購有田若干頃洪武十六年才遣心堅如景請開僧司授官百餘年繼任者代不乏人成化己亥餘姚魏公瀚守嘉舉常真嗣前秩真嘉陵謝氏子髫齡卽有禪性克振宗範緇衆欽服復於山足造三門隄岸上下石橋率門人偕工匠舛繭頽汗遂成厥功噫威力使人者莫過有司貨財使人者莫過富室凡有興舉猶糜歲月真公纍然一僧成是偉烈雖佛教感人非有勤操能是歟今大司寇彭公憲副顏公僉憲余公致仕蜀人文康萬公肅敏余公及隱賢徐公補輩皆富題詠於茲爲陶寫地孰不稱美之於戲師卓錫是山極肇始功惟才修其廢墜真公茹苦含辛老而不倦足見願力堅確卓



然異於人同袍者衲栖錫出三公之績併書巖石告諸將來相與  
嗣葺勿壞將見淑民心隆國祚共樂太平於未艾也是爲記

明張瓚尊經閣記

國家天啟休明無疆之運九有一統郡邑至荒服莫不有學徵用  
儒雅以闡大猷薰然禮樂之化者百餘年矣蜀嘉郡學興圯不知  
其幾往往爲水所墊更置至再然皆遷就舊貫未能脫其弊陋大  
成殿雖得山水嘉處亦一時草創殊不稱瞻仰會稽魏瀚孔淵以  
名進士才御史來守是郡慨然以修廢舉墜爲己任去險爲易撤  
故爲新廣其規制闢以亨衢葺師生齋舍缺居民室家泓然泮池  
屹然三橋森然戟門翼然墉垣以至庖湍祭器之屬靡不完整然

樂山縣志

卷十一

藝文志 碑記

一〇

謂朝廷崇奉宣聖嘉惠來學頒布六經御制列典宸翰奎章奚可  
褻視乃於禮殿後相高明孕秀之地卽古之萬景樓缺恢建一閣  
以儲古今聖賢六籍名曰尊經穹麗雄偉峻極於天金碧丹青煥  
爛雲漢回視舊觀實相倍蓰學正周欽訓導缺哲童實率諸生詣  
行臺請言以紀成功予曩奉命東征過嘉以師行未及至其地繼  
而巡歷過此以故事謁廟始獲一登覽誠猶天造而地設也俯仰  
間但覺冷然音者與耳會淵然光者與目會虛通而爽朗者與心  
會規模布置豐殺隆卑若相拱揖應酬不暇余自入仕途足跡半  
寰中求其形勝規制如此學之高明宏敞絕無而僅見因謂天下  
之治起於郡邑而郡邑之治始自學校學校所以明人倫也民俗



之隆汚土習之淳澆率於是乎係而賢才政本胥此焉出其不輕而重較然矣今之爲郡邑長吏者皇皇賦訟簿書缺過及之字缺三不過保殘守弊幸其無事以去或有能任厥責增崇聿新而侈費橫歛病民蠹財獲罪清議又奚足貴其能知明倫立教尊經重本之意者則又槩乎無聞也嘉之有學幾百年山水形勝固在而爲郡者不知幾何人乃有待於今日不大缺煥然改觀豈得人之難有如是耶嗚呼士之游歌於斯者亦可謂幸矣尙思聖賢之所以垂訓朝廷之所以設教郡守之所以興學無非以六經之道明於心體於身見之於事功措之於國家天下爲孝子爲義士爲忠臣爲良吏如青天白日奴隸皆知爲清明鳳凰芝草賢愚皆稱爲美

樂山縣志

卷十一

藝文志 碑記

一一

瑞炳炳烺烺垂耀無窮斯爲不負所學也魏守治郡之績頗多此特其要且大者余嘗疏聞於朝以旌美之而同知鄧清州判潘謙吏目趙禧皆能力相其成用並書之以勗後來云成化十三年歲在丁酉春正月己丑立石

明趙正學嘉定州學儲書記

嘉州學儲書未始前聞也嘉靖癸卯之臘僉臬事關中喬公由南戶部郎中試敦悅而來也服事樹風率先勸學進師生考問志業應若鳴鐘經緯執事申嚴課程明年謂書未備捐俸三鎰購之江表書肆得十三經二十七史九十八子及近代名家詩文集總若干卷類儲之於是尊經崇文輒忽充棟矣先是公未至州人程先



生大新廟學不煩有司是歲適成形勝土木擅西南之盛且以羨  
餘治祭養之田乃喬公復能儲書以成之師生業於斯多識畜德  
於斯其厚幸哉宋呂陶言蜀學之盛文翁石室高耿禮殿田元均  
石經皆冠天下而垂無窮今職方輿圖大於漢宋學官興建無遠  
不周嘉州學能冠之與否所不敢知以方蜀學石十三經則喬公  
之儲爲富石室禮殿則程先生之工或巨特未一石之耳卽古今  
尙制靡同未能遠過其視三賢終始之用心豈殊也哉考史漢孝  
景時文翁始作石室踰百幾十年東漢興平中高耿作周公禮殿  
踰千幾百年宋皇祐中田元均補刻公穀二傳十三經始全今茲  
學不知後百幾十年能得增葺如高耿其人焉爾乎又不知後千

樂山縣志

卷十一

藝文志 碑記

一二二

幾百年能得補經如田元均其人焉爾乎此心不磨無文王猶興  
夫固後來責也矧二君子爲之先典籍廟學一時並美不待踰年  
業已全盛則所以觀之者深矣不必百千年所而一再見或三四  
見未可知也誠有之其盛不知當復何狀顧今一時萃蜀學百千  
年所之盛師生誠厚幸哉然予聞當時文儒唯蜀學最盛若王褒  
揚雄以文章著莊遵李仲元以有道著趙典李尤王渙秦宓以文  
行才辯著張浚虞允文范祖禹張栻李舜臣以事功道學著故於  
今翕然稱漢宋人文之盛而崇三賢作人之德尸而祝猶未艾也  
嘉州號多才值今全盛讀其書者有能妙契直取立乎其大而不  
以博我焉則爲遵爲雄爲浚爲栻爲祖禹以實其盛無難已由是



進進不已出於遵雄浚棊祖禹之上爲回爲參爲伋爲軻以極其盛無難己聖代菁莪棫樸之化二君子成身錫類之德於蜀有光惟爾師生是視可不慎與可不念與知州何君貫忠信好德委予碑以傳予惟喬公貞清博敏持以簡默進當兼善天下程先生壯歲直節晚德彌邵退能淑其鄉人弗碑亦傳也予不文其何能任獨求諸心脫然若有見於讀書之義願與師生共勉之喬公名世寧程先生名啟充前浙江監察御史書曰鑱之碑陰嚴世守云  
嘉靖乙巳秋八月吉日

明彭汝實嘉定州創建九峯書院記

嘉靖辛卯秋御史大梁熊子爵奉命諭蜀所至以興學育才爲務

樂山縣志

卷十一

藝文志 碑記

一三三

既拔省下諸生聚講大益書院矣明年行部過嘉登凌雲山爲參伯何子鰲憲僉鍾子錫曰此邵公濟所謂山水處耶怡曠平衍猶夫大益而靈英葱蒨之氣過焉盍爲諸生謀之皆曰諾乃白諸御史大夫鉅野宋滄公滄公曰茲余意也熊子乃節縮公帑之盈凡五百金而郡守邗子鼎實經理焉既事乃偕郡師生以熊子何子鍾子牘來乞言於余余維書院之設自昔有之說者以謂肇自有宋或以襲勝或以表賢或以敦祀其最著者如白鹿崇正紫陽是也三代以還鄉遂州縣黨鄙之地皆有學稱凡以翼化而廣教焉耳今之書院古鄉義學也豈獨宋人然入我朝師儒鬻舍之盛極矣外至武衛番夷莫不有學若無事於此者西山真氏曰彌近民



者教彌數書院豈嫌於數耶乃九峯書院大可稱述者而谿田可  
廩澗芹可薦不與焉秀據東南三江如赴諸峯嶺岼如九華而峨  
眉疊巘適相拱揖造化停蓄之秘將必有發於人文焉者其勝可  
稱也章臯鎮蜀之日有黔僧因山鑿像紺殿十層其徒日衆盤礴  
至今雖昔賢人稱好願爲漢嘉守者不過曰載酒凌雲耳九峯勝  
處乃今無恙如有待焉其數可稱也學宮負高幬山陽爲黃冠據  
久矣先是邨子刻我皇上敬一箴於其上至是熊子復創書院於  
此兩山皆歸學宮崇正黜邪之意不謀而合其教可稱也諸峯舊  
多名跡宋儒有治易洞有洗硯池有見易大書宏治中郡士大夫  
習靜者益衆凡今以文章節義顯者多發跡茲山絃誦之聲至今

樂山縣志

卷十一

藝文志 碑記

一四

達且隱隱一鬢舍焉樓宇雖創檠笈習游學士便之由俗善因其  
政可稱也四者皆山川之助時輯而屢省之政不能無望於嗣來  
者聖有謨訓時有典型高山仰止則諸生靜居致遠責也幸相與  
成之以無負於嘉山水哉以無負於良有司哉書院總若干楹有  
講堂堂後有樓曰擁翠堂之東西樓之左右翼以長廊以舍諸生  
前有戟門門腋有碑亭二附高棟處有兩寢室以居山長室旁有  
庫最後有靜觀亭最前洗墨亭拾級而上有坊翬翔廳事繚垣周  
結以室輪奐之美比隆學宮凡八閱月而告成事焉可謂不愆於  
素矣諸有事於書院者訓導尹秀芳而下皆刻其名氏於碑陰云  
嘉靖十二年孟春旣望



明邑人任有齡青衣義橋碑記

郡東南歷凌雲烏尤諸山而下爲青衣川世傳有神着青衣著靈異佑我蠶桑土人德之爲立祠食報因以名其地云沿川而下爲紅巖產鹽復產油泉代燈燭光益燄人咸鑿山煮鹽取泉稱便故商賈輻輳舟輿駢集青衣實通達爲劇且自憲節開府城中控引瀘戎諸郡部檄絡繹公車出入誠孔道矣然道之橋有二一在凌雲山後一卽青衣惟具褶約枕籍關二字畔當夏秋溪水交漲暴流不可渡舊橋俱圯行者病之先是有黠僧欲橋山後持教言往括民財遍悉商賈雖負販經行者必取歛又往括六邑而榮威之民以往來夥尤括之甚鉅殆可五六百鎰矣經年罔績我分憲趙公

樂山縣志

卷十一

藝文志 碑記

一五

過其地僧猶以窘告乃發諭輸入役者百餘人出舊材於水舉石成梁橋始就斯亦久且難矣時里中耆老二三人謀曰青衣弗橋雖上流獲濟猶弗濟也安能有彼忘此以達郡城但前僧括財擾衆衆口嘖嘖稱憤財復可括乎前旣軫上官慮勤勞役徒今復可勞乎事在公心直已勤力課功雖費亦僅僅耳盍集村衆伐材於山維舟於水有願捐助者率十之一二弗願者不強也乃指天曰陳誓辭毋敢私走朝夕冒風雨毋敢怠緣是衆果奮決茹蔬裹糲往襄之不待期會徵發而橋遽告成矣庠齋彥伍君開祥泊鄉老李仕清輩索言於余勒石以紀其事余惟往歲趙巡憲公疏南河殺沫水保障城宇百年重計也不役鄉不粟於廩用干法之民輕



重而遣之親自規畫日臨視焉水果南徙十之六七若佐下風者同符德意戮力勸事河必大有就矣余每日擊之深有慨焉茲觀橋於郡東僧括頗殷徒以飾第麗宇馳駿嘯噉見其置宴高會聞有官長往登席嬉嬉不之駭功幾廢若非得上官董役僦工又將何如也卒賴嘉會始獲濟今諸鄉老感倡率之意遂不煩督勸不糜重費取涉遠功百倍不爲勞而成功迅速此殆上以義風之茲固以義感之也所謂好義終事者非耶敢題其橋名義橋并紀始終以告人人俾知所自云橋經營於正月落成於三月初五日

清彭欽嘉定州修學記

高標之麓維嘉學宮明御史郡人程子啟充實肇造者故廡下曾

樂山縣志

卷十一

藝文志 碑記

一六一

專祠祀之經百餘年甲申蜀亂悉燬於兵國朝順治之辛丑歲西山張公名能鱗以少參領蜀南先建明倫堂爲講習地未幾以入賀去明年歸值巫峽餘氛大役繁起不遑他役甲辰役止民寧公乃次第建兩廡置七十子及先儒主啟戟門三舍乙巳春謀於州牧高侯仰崑乃大集工建先師殿啟聖祠櫺星門及泮池左右坊鄉賢名宦二祠丙午復建尊經閣及六齋秋八月特牲告成諸生述公之功商記於予夫公之功可勝記者哉守茲南土去害興利父老子弟之歌頌自有志不朽者惟是蜀南多士久困幽谷心莫適從將甘爲齊民焉王道不興聖人之所恫也公下車日首重孝弟專以明倫課士士子各有油然動於中者比者修學宮外又置



高標書院厚廩入以養之四方來者盈舍每政事稍閒出所纂著孝經衍義大學衍義補儒宗理要等書爲諸生講論又訂釋奠禮書附進賢論如此二年以來未嘗斤斤然爲士子訓鉛槧業一以主敬致知窮理盡性至命爲指歸諸生靡不快然有得亦各能言所言歲卯午書升八人夫不徒以文教人而文亦應之則公之至文入人心深矣予以功不可勝紀也聊記其略云

清劉如漢嘉州高標書院記

漢嘉山水清歸之聚城有高標山主於中而博收焉峨眉之遠大凌雲之高明龍泓之秀雅烏尤之疎越莫不屹然爭勝登高標環顧諸峯遠大者高明者秀雅者疎越者若一一受其裁成錦江來

樂山縣志

卷十一

藝文志 碑記

一七

自岷山厥水清悠淼淼沫水遄急馮水遄勁淙淙有聲距高標而俯視三江清悠者遄急者遄勁者何衆派之滙於宗耶我藩參張公建書院於茲以育蜀南士蓋有所取耳昔之蜀南爲傑士藪出者各有建樹處者亦罔不彬彬秀良甲申之變坑焚殆盡二十年來絃誦聲歇士亦不自振起豈天生才有豐嗇抑亦作人之化無聞也公辛丑出守南土慨然惜之既爲民經營溝澮卽建學明倫以斯道爲己任先是以時課士士勃然知所嚮往繼憂其散處爰設書院檄召各庠士子居業且捐廉金備廩餼更募齋夫供薪爨負笈者如歸顧所業各未得要歸公乃出江南督學時手訂大學衍義補孝經衍義補儒宗理要等書示士子理學天人之旨又自



白下購經史古書八百卷貯之尊經閣俾多士沉酣飽沃於中政暇輒親臨臯比剖決譎疑使知要歸之處每日學不究天人而獲榮青紫雖得之終於吾道無所輕重是以癸卯丙午雖登賢書者數人公未嘗以此爲宮牆多蓋所望者得孔顏之樂繼道統之傳不區區尺幅自見也嗚呼置身軒冕之中而欲體聖人之教有其志者未必有其事公之曲成不遺可多觀歟公橫渠裔也家學淵源以民胞物與爲志以窮理盡性爲歸今取全書讀之西銘正蒙諸篇與公所續緒言太極歌定性諸論其心其理先後一轍蜀南多士苟能仰止高標風雨晦明勿輟涵泳知水仁山從容於天人性命萬事受裁統宗一貫各有得焉處則自適孔顏之域出亦不

樂山縣志

卷十一

藝文志 碑記

一八

愧爲伊周之侶則公之家學固淑身善世之模楷多士之學公之學心公之心者亦庶幾無負此高標也已書院中上公車者在長安與予述其事誦其德請予記予曰公之爲此也樹一代之真才衍千古之道緒葆兩間之元氣淑百代之儀型教思無窮天下後世必有聞而興起者區區吾鄉已哉公名能鱗別號西山燕人也  
清宋鳴琦重建九峯書院記

嘉之九峯書院舊在凌雲山創自前明嘉靖時後百餘年燬於兵國朝康熙中觀察張玉甲建於高標山王漁洋尙書所謂絕頂有高標書院也然是時創痍甫定當事未遑兼營不二十年亦廢迄今又百四五十年矣嘉慶六年秋余奉命蒞郡旣月觀風拔其尤



者送之院將以日夕訓課之至則趙太守祠也因城而屋近市以居上雨旁風甚非其所迅欲有以易之而議者或且以凌雲高標爲可仍也夫凌雲誠山水窟然去郭遠江漲不時欲數數與諸生講貫勢必不能高標近矣十洲三島雅備登臨若以下築則山旣高風加厲又水土弗便不可常厥居也暇日過觀德圃圃在高標之麓考圖經乃宋時安樂園故址三水廻環萬頃玻璃外楚楚九峯如列杯案蓋昔人經營致不可及爰捐俸百金爲倡不兩月諸縣以數千金至核其會計則皆官師父老所欣然釀者予旣喜講院之名勝而又以嘆嘉郡諸君子好義爲不可及也明年四月謀木於山謀竹於箐謀瓦石於埽埴高而爲堂奧而爲室翼而爲廊

樂山縣志

卷十一

藝文志 碑記

一九

繚而爲垣閱二旬而規模已具夏午予於役峨邊往返經時功少息九月初吉郡事旣簡督加急又兩閱月役竣計堂一室一楹各五廚二楹兩倍之門二楹各三舍六十楹三倍之又以其餘材營別墅一樓一於院西隅蓋隙地也楹倍其屋之二几案之需悉備丹雘之數亦如之外而墻垣砌以磚石傅以灰脂袤延幾百丈綜其費僅四千金有奇以所餘金權之質庫爲齋廚久遠計於是率官師父老及諸子弟作落成之讌僉請所以名茲院者予曰今築旣非高標舊跡而凌雲眞面目乃時時晤對與身在此山中者又自不同九峯之名於斯爲稱且欲學爲山者功無虧於一簣也旣乃進諸生而告之曰夫嘉人材之藪也漢晉間費氏之族尙矣唐



之唐山之仲常侍宋之王處士田諫議近代之安給諫宿光祿或以節義顯或以功名著或以文采稱當其時非獨諸君子賢也太守則岑嘉州薛許昌陸山陰大尹則沈立之宋太素楊仲猷亦一代偉人也予於前哲無能爲役而雅懷夙尙古今人未始不同諸生成體賢父兄之意而相與有成與茲舉共不朽焉斯則區區之所日夕望之者也時與其役者參軍朱法祖少尉張瑜董其工而始終其事者樂山生員鄭行素帥士安趙聯春峨眉生員李茂元隄爲生員張汝照凡官師捐廉者並列於左

清邑人羅其晏捐輸書院房租記

予蒞嘉之明年壬戌釀金重建九峯講院既成籌脩脯膏火之需

樂山縣志

卷十一

藝文志 碑記

二〇

檄樂山縣清釐舊有田宅租入按名以稽知羅君其晏有市宅輸租以爲院脯事心甚嘉之會纂郡乘亟登崖略而不知所由來也今年夏以公延見郡人士語及此事咸曰此地郡城闐闐中區凡民室四市室五嘉慶初元郡人欲市而租之以爲講院需而力不給郡向之貸慨然出千金成其事嗣以無項清補子母相權累至三千二百餘金郡人對之有愧色而羅君不以此見尤轉爲慰藉之並言郡伯蒞嘉以來殷諄作育某雖僅足衣食不敢自私欲以此稍助萬一諸君子爲某請之敢以告余聞之迺悉其由且重其人嘉其事而重有感也今世人家家多獲一囊粟一匹絹比隣指新穀新絲以貸客而不予旁觀者譏其不讀書予觀士大夫及素



封家亦往往而然已欲勗子弟以學而視鄰之子弟若秦越然已欲致子弟之富而視鄰之子弟若冰炭然嗚呼亦淺之乎自植矣夫貴而爲善於鄉則士登其行富而爲善於鄉則農勵其俗耆老而爲善於鄉則後進不敢以菲薄自居父兄倡之親姻和之子孫守之風尚恬熙里高節義其所以成家而致福者豈淺鮮哉羅君累世大族雖例得司馬不樂榮名子弟躋尹丞者數人其居鄉行誼恂恂然明廉尙樂施與郡人咸能言之卽輸租一節可知矣予將以爲君子居鄉者勸而并以美郡人士之不沒人善也故如所請而文之俾永諸石

清王來遴新建東巖書院記

樂山縣志

卷十一

藝文志 碑記

二二

奉新宋郡伯重建九峯講院之又三年乙丑以舊試院湫隘且就頽卜地新之舊地多無所用予前年甲子來權斯土沿故事課士九龍祠非地也而無所易之至是請於府允其議堂廚齋漏旣具乃面勢以爲門顏以東巖皇如也然延師養士諸費都無所出時九峯講院租頗裕郡伯分二百金以爲助會屬中有沙淤地數處以訟歸官歲取其入又得百餘金於是脩脯薪火之需咸備夫樂山古龍遊治也治附郭九頂三江山水佳麗甲於西南唐宋之代岑陸諸公宏獎群倫人材蔚起卽在前明魏袁諸君子以爲倡一時二王四諫媲美後先當是時官學有九峯講院私學有東山書院官師之表率父老之殷肫郁郁乎鄒魯間也今郡之講院地雖



易而名弗改郡伯之所爲表率又過魏袁而軼岑陸多士甄陶沾  
漑且蒸蒸以興予何幸竊比私學之例得以規隨先達引迪後來  
也顧草創之初殊多未善是不能無望於後之君子矣

清張能鱗重修名宦祠記

孔子以布衣千古廟祀天下咸釋奠焉豈必以宦跡所至哉然德  
侔天地古今一人而已下此法施於民則祀之以死勤事則祀之  
以勞定國則祀之能禦大災捍大患則祀之泮宮之有名宦蓋取  
諸此故官其土者必舊有功德於民而後士民懷思不忍沒具狀  
於有司有司上之學憲學憲核實乃許入祠非是不在祠典余順  
治辛丑奉命分守上南駐嘉陽寇亂尙未平初謁廟瞻拜荆榛茂

樂山縣志

卷十一

藝文志 碑記

二二二

草中堂廡祠宇皆瓦礫士民菜色不聊生不暇知崇德報功爲何  
事也期年民志始定明倫堂成越三年甲辰民歌勞止而善心生  
嘉之人以舊州李公如柏者德政班班四十年猶在人心請入祠  
上之學憲報可奈祠圯跡湮失其考據并前賢幾忘也余覽州志  
如隋之賢守趙昱斬蛟平水患唐刺史岑參以詩名監郡攝刺史  
薛能亦以詩名宋守呂由誠守死不屈於金兪興戰退蒙古皆以  
忠烈名魏了翁以理學名提刑張方以平允名元有傅夢臣爲總  
管明有李習段鑑曾介爲州牧喬世寧袁昌祚爲監司官雖不同  
各有表建載在州志可考而知也卒未有以州倅名者豈其官微  
而遺之歟如李公者嘉之人沐膏澤而歌思不諼直欲與前賢並



垂則三代直道未嘗不至今在也維時士若民請復其祠州牧高君仰崑董其事舊址重新首先捐俸者廉憲李公諱狝霄卽州倅公之胤子也贈州倅公爲中憲大夫矣人咸曰德報不爽子來趨事不期月而祠成請予一言勒石余曰官無論尊卑學道愛人君子之德也世無論遠邇咏甘棠而慕思之民情之厚也因李公而前賢并舉俎豆重光宮墻復煥有司之職也且因李公而後之民牧自一命以上咸砥礪廉隅顧愛名節其鼓舞興起當何如也若曰州倅云爾請以質之委吏乘田者是爲記

附記

都安王廟碑碑載隋開皇九年置青衣縣後周保定二年置青

樂山縣志

卷十一

藝文志 碑記

一三三

州宣政二年始爲嘉州見王象之輿地紀勝碑文不載

靈鷲山碑唐正元中僧乾光爲其師道眞令徐宗彝撰碑而碑刻於長慶中見王象之輿地紀勝碑文不載

正元當是貞元



# 樂山縣志

第八冊

藝文志	祥異志
書目	物異
金石	異聞
雜俎	革命小史
	跋

10280.165  
 4  
 印=18

中國農民銀行總行  
 經濟研究所藏

922.91

5923-3



樂山縣志卷十一下

書目

崑玉麗金專區所產嘉魚蜀黍以地稱名物猶如此邑志藝文亦然舊以名人詩文凡有關邑事者彙輯成編此仿升菴全蜀藝文志與程篁墩新安志例也顧藝文志例創自班氏後世隋書稱經籍志唐書因之新唐書宋史仍稱藝文志通志稱藝文略其餘考據家如馬端臨經籍考晁公武讀書志陳振孫書錄解題要皆臚列書目撮舉意旨非夥纂其文辭門藻矜華徒增卷帙也茲取舊載詩古文辭散附於山水名蹟事物各門下至於邑人著述仿四庫全書撮要體例標舉書名次揭書中宏綱

樂山縣志

卷十一

藝文志書目

二四

大旨或列敘文以見文獻之足徵舊志典籍作者寥寥且以牧守州志課士錄羈入其間軼出邑志之範圍也昔班志詳明次第分析經傳九流兵家數術諸部誠以中國之廣學說之蕃不容淆雜也邑志具體而微不能如此別類惟以斷代繫目於春秋善善之誼竊有取焉

漢

犍爲文學爾雅注三卷

見劉向七錄

按舍人生長南安爲犍爲文學後人以舍人注佚郭璞注行世因舉烏牛爾雅臺歸之郭璞如蘇子由王龜齡所詠是也然晉書本傳璞無入蜀之文其父瑗爲建平太守故今湖北宜昌府有爾雅臺以景純得名而尙疑影附蓋晉建平治巫縣宜都郡治夷陵今宜壤地毗連實爲兩郡省志辨之譌誤立見故樂山之爾雅臺與璞無涉庾仲雍州記璞嘗作臨沮縣故游山詩嗟青谿之美而任昉樂史陸游皆以夷陵有璞爾雅臺焉清曹能始有詩曰金山臨石簿曾訪郭公墓慕光豈在斯圖經慣沿誤頃來爾雅臺高險踞巖路當年放散身爲作蟲魚註墨花染江鱗鱗鱗洗不去

中國書目總目  
經部  
九





到今桃浪時黑頭恣魚捕得無白鼉精精氣永呵護近賢記名勝強半出依附烏尤卽離堆冒名復何處側聞犍爲郡自漢入貢賦舍人暨文學箋記滿竹素此學誰與承此業誰與付願言借一

瓶投老  
老經庫

唐

唐山人詩集一卷

唐求撰通考求與顧非熊同時集一卷藝文志不載

事詳人物  
志隱逸

宋

西南備邊志十二卷 舊志

鄧嘉猷撰猷嘉州進士紹興中朝廷因犍爲蠻亂詔諸司經度初不知爲何種族既而有知其爲虛恨蠻者嘉猷取秦漢以來迄於本朝凡史籍所載蠻事皆著於篇爲志九爲圖一

樂山縣志

卷十一

藝文志書目

二五

奏議十卷蜀人物志若干卷

見宋史通志 劉甲著

論語解書解

見尙友錄

藺敏修著

北山集晁公武著

使燕錄余嶸著

則書十卷則堂詩集無卷數薛紱著

白香山年譜一卷 舊志

何友諒著書錄解題友諒知忠州爲居易舊治既刊其文又作年譜刊之集首云始予爲譜既成妹夫王林叔永守忠錄寄之則忠已有此譜視予譜詳略互見亦各有發明其辨李巖州三絕非樂天作及戴晁子止之語謂與楊虞卿爲姻家與牛僧儒



為師生而不陷牛李黨中與予暗合因並存之見新譜末章蜀人

物志何友諒嘉州人作香山年譜與陳傅良所作各有發明

雲南至道錄見輿地紀勝辛怡顯著

語錄別峯禪師撰

僧史一百卷華嚴經集解金剛經集解釋祖覺撰見省志

明

眉庵詩集十二卷見蜀明詩眉庵詞一卷見明史楊基著

史鑑二十四卷論鑿十萬餘言楊基著

易隔無卷數安磐著

楊慎曰安公石作易牖其說曰天下之事數往者順知來者逆易為知來而作故其數逆也往者順蓋因下句而逆舉之非謂易有數往之順數也公石妙契經義此解最超邁惜未見其全見省志

樂山縣志 卷十一 藝文志 書目 二六

安磐撰公石與父佑先後俱以鄉試第二人成進士今蝦蟆口岷山祠其故居也詩文集名曰頤山以此四庫全書提要云頤

山詩話論詩以嚴羽為宗持論往往中理惟載及俳諧未免涉

於小說然不害其宏旨者也

按公石工詩明詩綜明詩鈔每采錄之其詩話刊本今佚惟四庫集部尚存舊刻鄉人託京官李君在瀛鈔歸書藏安世欽家

游峨集奏議草家禮儀節安磐撰

遼陽集奏議雜俎舊志徐文華撰

初亭文集西臺奏議南谿詩話二卷舊志程啟充撰

南中奏議貂璫錄得山堂稿舊志彭汝實撰

六詔記聞二卷彭汝實撰

省志上卷曰會勸夷情錄乃嘉靖十四年建昌道兵備副使俞夔處置四川鹽井衛土千戶與雲南麗永二府土舍爭界事公移案牘下卷曰南荒振玉乃乩仙方海何真人與夔等唱和之詩南



京吏科給事中彭汝實合刻  
傳之夔門人李應元爲之序

梓里談資雲樵記舊志張可述撰

續修嘉州志魏瀚撰

嘉定州志五卷范醇敬撰知州關中李采序

序曰夫志於郡猶之乎史於國史載域中之事志亦宜然所以粹擷故實旌別淑慝標往昔而詔  
來茲非苟而已也故其蒐輯欲該備大觀也不則一目張羅寸莖起音耳將管見窾聞者遺其品  
覈欲精昭實錄也不則昭明燁鳳騶虞疑虎耳將貴耳信目者惑顧該且精非博雅君子孰能立  
言而不朽乎嘉爲古名郡其山水之勝甲天下從古記之今觀翼然壁立於西北者高標聳也翠  
然屏立於東南者九峯出也屹然砥柱於中流者青衣峙也潏流浩淼分源合流如玉虹素練汨  
汨東下者三江逝也以若明秀清傑之氣鬱紆磅礴擅美金天其所苞孕者招徠者布濩流衍者  
當必環璋琦瓊夔絕殊異而物華人文非方輿之可數數見也此豈稗官小乘之所能當乎嘉舊  
有志絕筆於嘉靖癸亥無論其中郭書燕說周璞鄭鼠即數十年來地里之遷仍建設之廢立官  
僚之或臧或否人物之或謝或興戶口賦役風俗之或衰或盛或重或輕或澆或淳也茫乎不知  
畔岸浩乎不得津涯倘志之不修泯泯冥冥後何質耶大參元渚舒公嘗有志乎其志檄予董其  
事未幾以艱兵憲心易孫公繼有志乎其志亦檄予董其事予敢不祇厥命乃造范王二太史之  
廬請焉二太史德高月旦學富石渠所謂博雅其人可志也無何王太史毓宗假滿入中秘獨范

樂山縣志

卷十一

藝文志書目

二七

太史一人任之口不言勞力則有餘鐘錘傳紀印證心目繆者剔之訛者釐之蕪者刪之缺者補  
之志成予見其簡而確婉而真遂而多風於所謂遷者仍者廢者立者臧者否者謝以興者衰以  
盛者重輕而淳澆者如指諸掌該與精兩得之矣良史良苦  
心哉後有作者得是志而存之奚翅記事之珠指南之車與

清

嘉定州志五卷彭欽撰自序 又張能鱗高仰岷亦爲之序列後

自序云郡縣各有志書吾嘉聞自安先生磐始志之後范公醕敬纂修距今五十餘年時移世異  
今昔互殊國朝御極以來革故鼎新與天下更始舊志豈能典要又往者獻逆肆虐塗炭生靈在  
在滄桑匪嘉一隅以今茲之勢按之昔志所載霄淵迥隔少參張公銜命鎮撫川南節駐吾嘉下  
車之日目擊其景愀然痾瘵於懷也費盡心血從頭料理謂食者民之天水利不興土穀何資多  
方設法修濬牛特諸堰以溉南園數十里之田逃民爭回復業而民生以遂湯火之餘禮教未嫻  
捐俸葺聖殿建明倫堂講學課士人文漸起走人白下購經史數百卷以惠來學熙皞絃誦內政  
釐舉則念及行旅之艱難問境內之橋梁而注意焉如張公橋急水湍流伐石構屋建長虹其上  
透迤堅固民未病涉也修舉廢墜鉅細緩急各以其序皆從來未嘗有而至今不可無者諸不具  
論舉其大者而已公起家名進士宏才博學於書無所不窺廊中卷帙積可充棟凡所經營必則  
古昔每欲覓嘉志以爲質而兵燹之後災及梨棗一日以抄本示余曰此碩果之未盡者子急爲  
釐正顧余何人敢膺斯任然終辭未克抄寫脫誤譌訛相傳魚魯之弊固所  
未免因訂之付剞劂之手踵事增美豈無安范其人者出乎敬俟後之君子



張能麟序曰郡有志猶國有史也晉乘楚檮杌魯春秋義固各有取爾其為史則一也歷代二十  
一史本紀世家傳書異辭善惡異辭編年紀事又異辭要不離乎志者近是故一代之終始其間  
禮樂興廢人才盛衰道學隆替政教明昧風化醜疵恆於志乎見之前代之史後代之師也郡志  
雖小可以喻大嘉州古蜀郡舊有志略載井絡章天地靈人傑山水有孤清秀絕之勝賢俊有禮  
讓廉恥之風士頗好學民良俗樸勤稼穡而鮮爭訟猗歟嘉哉謂之嘉州洵然自太史鄉先生范  
公修志後至今垂百年鼎革變遷滄桑亦改矧舊志燬滅無存屢訪於郡牧高君高君曰唯唯數  
政之暇勤求好問始得抄本若干卷而藝文猶缺焉未備不佞愧不敏且才非司馬職非史官不  
敢越俎因詣鄉先生彭公請瑣筆而增修之先生耄年碩德名臣世家少年掇巍科起家司李擢  
水部司空出巡神木守潼南皆邊陲海隅撫治軍民聲稱嘖嘖引年致政養望東山且庭訓詩禮  
學不倦勤老而益勵先生曰諾亂後餘生文獻不足若不亟修之懼數十年天人隱顯政事風化  
湮沒無傳其何以信今而訓後哉同事參考校訂者有冷黃李季諸孝廉州舊志冷然黃道修李果皓季惠毛同校正共襄  
厥成將付剞劂丐余一言為序余曰述而不作信而好古先生有焉誰毀誰譽直道而行多士有  
焉靖共爾位好是正直郡守有焉余故喜其成而序之  
雖然嘉屬六邑必六志候其成而後云爾郡守其勉之

高序曰余不敏謬領六邑嘗惓惓乎師古之意以為昔之賢牧牧此一方土而綢繆之維持之俾  
芳猷偉績存而不朽而一時之人品物族山水土田煥然可觀者必有道以處之是道也非志無  
稽焉以故訪于窮檐諷于耆耆雖欲以表郡實哉將借以求治道也亂離之後典籍湮沒今年春  
僅得抄本于民間乃上之守憲張公甚嘉且囑予造鄉先生請修之爰謀彭先生先生懇懇從事  
掇集舊聞補闕拾遺從范太史纂修後凡良牧碩人忠孝節義與夫政餘之修理廢墜地方之盈  
虛得失一一錄訂曉若列眉秋九月嘉州志成臬憲李公於嘉有世德其忠孝先後每見而誦說

### 樂山縣志

卷十一

藝文志書目

二八

同守憲張公任蜀南七年於茲拮据勞苦生成教養罔不闕詳志中所載茂功丕著志成余皆請  
為序焉乃嘉人士又請余一言附於後余思夫天地人物莫不以氣運為環轉然盛衰通塞之際  
所以贊襄氣運使盛而不衰通而不塞非職斯民者而誰望哉此其義吾觀於史而得其大端觀  
於郡邑志而得其具體夫志所以傳信而示教也紀人物紀山川紀政事紀田畝溝洫似雜而繁  
然觀其開氣運之昌也莫不由經理觀其防氣運之靡也莫不賴補葺一時之倫類蒸蒸觸觸於  
其中而不覺苟非有力行治道者與氣運相維持安能俾久盛常通之象流行於當時而昭於簡  
冊也乎蜀南一隅有守憲張公拯溺濟險收治效於其先固已開氣運之昌也余不敏願置此一  
部志於座右焉覽吾嘉山水之勝思有以達其秀覽吾嘉人物之繁思有以育其德覽吾嘉倫類  
之衆思有以愛其生覽吾嘉政事之重思有以理其勞覽吾嘉田畝溝洫之錯籍  
思有以率作而興其利敢曰贊襄氣運哉亦不忘吾師古之初意而已是為序

### 嘉定州志張能麟撰舊志

### 靜存集鄭居廣撰舊志

### 嘉定府志宋鳴琦撰

### 擷洲詩集見通志羅芳撰以字名集

### 和聲集朱曙蓀輯見挹爽軒雜記



學圃詩集冷岐暉撰

挹爽軒文集云王生中祥桂氏之甥也自云得此本於其家乃國初冷治中岐暉寫稿書久蠹前後序跋俱無而筆畫端勁具魯公楷法蓋明尚也舊聞治中父然善書眉州三蘇祠有公書碑而國初先輩著作之美亦無過公父子者治中又長於易著易解稿中諸作於嘉州景物未確而學圃在北關外只此可據近亦泯泯矣或以為非公所作讀其詩雖有明安彭徐程諸先輩作亦無混入集中者按學圃係友人題今集中有學圃笑開三徑竹之句觀此詩集實成於治中又聞東巖家中尚有別本延津神劍終當有合大為嘉州先輩生色也嘉慶癸亥六月廿七日張瑞跋

文山易解三卷冷岐暉著張瑞為之序

蓼浦誦言餞言

挹爽軒記作贈言

游峨詩文集丁文燦撰

方響集皇華集槿溝集白水集全臺集友桐詩集均阮鳴鸞撰

凌雲寺古今詩鈔

舊志

釋達徹輯達徹字禮汀凌雲山僧也詩鈔揀擇未精如成廷珪

二詩不應入鈔亦其一也然亦頗費苦心致不可沒

挹爽軒集云禮汀號麗天江南

樂山縣志

卷十一

藝文志 書目

二九

人按禮汀雖落空門覺非俗僧之匹其所以刻成詩鈔舊志載

有徵刻凌雲山詩啟一篇茲錄之

文曰從來勝地假大筆以生輝自古文人選名區而播詠某山某水傳來姓字生香一賦一詩寫得雲霞活像落九天之咳唾風前顆顆連珠留千載之聲音海內人人編貝華章麗句以切景者為佳文衰集鈔書得有心人而就事爰有凌雲之古寺實為翰墨之芳林南康大像一篇濫觴乎唐代坡叟時遊諸作振響於海隅暨乎元明莫不登高唱和傳之碑碣何殊品重琳瑯况逢當代之名公更屬本朝之鉅製倒詞源於三峽排筆陣於九峯興致淋漓到此新開世界心花燦爛拈來別具精神追蘇陸之高踪直過嘉州風味挹山川之秀氣遙臨天半峨眉是誠運之隆乎不獨山之幸也然而石泐苔封貞珉漫滅蟬吞鼠嚼繭紙淪亡慨玉屑之煙消空餘洞冷憐珠英之蕊卸祇覺雲殘茲以蘭若多聞蕊蕊有志素耽左癖罔厥書淫溯自岑公以後彙集若干藏之斗室之間動經數載欲為山志一篇普作臥遊三昧伏冀鴻裁不吝惠我珠璣寶什頻頌光茲簡策云云

張瑞凌雲訪麗天上人序云自通志載薛濤司空曙而外存者

絕少有明一代碑碣半就湮沒刮垢磨光廣詢博訪哀然成集者殆麗天上人力也因為長歌謝之云



二十年前謁上人朗亭葺笠皆寒貧葺笠道人姓胡號海山秋風秋月星霜裏得侍晴沙坐水濱其時上人正年妙顏如春華心如稿詩才古可比貫休句法早已驚賈島竭來天涯各一方相思不見雲香茫葺笠賣卜成都市朗亭骨冷北邙岡雨邨前輩著詩話上人有詩似陶謝鼎只一鬢詎足當班窺全豹尤堪怕浮生四十笑無聞塗牆浼筆慙不文忽讀凌雲詩一册百家詩筆皆凌雲惠我瓊瑤久不報只恐寒蛩遭風笑撲頭索句倒枯腸何異長吟曲矧窵吾邑自古多騷人唐球詩瓢跡已湮四諫三高集亦夥唐碑宋碣同沈淪況復名宦暨流寓五百年來遺好句友桐先生首著盤賤子無才更無遇却喜大匠生丹徒綏山戒定僧焉如鶴唳九皋無不應龍吟四海誰齟齬抄羅哀集恃良友方外交遊得麗叟何日禪關學撞鐘一鳴千古擬不朽

### 紅袖集消夏集歸田集張瑞撰

挹爽軒文集詩集詩話雜記共十四卷張瑞撰莫氏梧岡爲之刻其書於嘉州

### 漢嘉詩歸草帥士安輯張瑞爲之序

序曰古之所重於鄉者非謂能富貴而博功名也功名一身之榮富貴一家之利何與於鄉之人而重之抑惟是郡邑之有志所以發皇山川表揚人物其中有藝文者尤山川之英人物之美所萃蓋一物而三善具焉者此非四民之任而士之任也士方家居耳目之所切近披考爲至便俗務之所不及著述可自娛以可娛之時圖可便之事故然後本其未達之具以成既達之功一旦有

## 樂山縣志

卷十一

藝文志書目

三〇

其勢有其力取諸其懷而著之以傳往古以信將來生有益於人沒可祀於社故足重也顧今之所謂鄉先生者吾惑焉其窮居之所習時文而已其達後之所營田宅而已時文田宅外關於守與待者曾不動於其心故以嘉之勝當國家承平百五十年生斯土者豈無達人乃雍正二年以前無州志雍正二年以後無縣志索其舊本有人牧而無藝文嗟乎地以人傳者也人以文傳者也兵燹之餘稿集不存所存者散見於他書暨夫斷碑殘碣之間有如凌雲松溪四絕予猶及見全碑幸早錄出未幾爲俗工磨其一其一又漫滅不可讀予甚恨焉而他可知也當此時而有志於收輯雖存什一於千百未足見古人文章之全而山川之英人物之美亦賴之以略著即無其勢無其力以作志而可以爲有勢有力者之所憑况有志者事竟成異日有其勢有其力不患爲之無其本而索之恨其缺夫如是也其亦異乎汨汨然而窮汨汨然而達者矣其亦足重於鄉矣可泉帥子士安以漢嘉詩歸草質於予分藝文爲若干卷表自唐詩人唐球暨明諸先輩其非嘉之人而文涉於嘉者亦備錄之是編也予有其志而無其勤帥子能之嘉其功而爲之序

### 唱和記載別集馮大田輯

見挹爽軒記

### 虛白堂文集聽雨樓隨筆李嘉秀著

### 平夷備覽十二略謝渭著

有傳

### 虎口餘生錄四卷謝金元著武昌石會昌爲之序



序曰咸豐九年藍李二逆寇蜀隳突叫囂茫無紀律粵寇為易平也而當時藉軍興以自肥者頗不乏人議權議捐民以重困逆燄愈張賴駱文忠公率湘軍入川始克漸次廓清竊謂蜀中士民勇往尚義不在湘軍下且復過之使賊初起時得良有司數十分佈各郡邑聯絡鄉團鼓而困之即駱文忠且無事移節况湘軍乎不然謝乾初廣文之秉鐸榮昌職專教授無守土治兵責也時當殘破官無下落城雖收復而糧盡矢窮即欲力起瘡痍挽救一二又何從措手哉且大道梗而後令不能來孤城空而遺黎已待斃賊蹤靡定人心驚惶於萬分吃緊之時復有叛將環攻之警守則不足戰吏不能乃隻身縋城直入賊壘曉以大義喻以禍福斯時也天地為愁風雲俱變九死一生俄頃間耳幸天鑒孤忠悍逆引去嗚呼榮昌破壞於前誰其尸之保全於後誰實為之昔虞允文采石之戰劉統帥錡歎曰朝廷養士百餘年而大功乃出自儒生吾輩愧死矣虞固蜀產奇特乃爾廣文生長鄉邦獨能以儒官攝縣生入虎口立保危城大為讀書人生色先是昌奉檄權篆榮昌就口碑所傳邑乘所輯洞悉昔年陷復情形慕其人欽其功因有感於牧令一官不禁怦怦心動竊願補過將來也為著儒官復城攝縣論茲復獲讀其虎口餘生錄詩文雜著若干首遂並書以貽之

鄂游小草高賡恩序石室詩文鈔二卷伍肇齡序蜀閩宦蹟紀事詩存一卷安溪政餘詩草四卷均謝金元著

嘯笑齋詩文集劉肇春熙臺著王元盛為之序

樂山縣志 卷十一 藝文志 書目 三一

序曰樂山蓋蚤有冷善也先生云望三百年雋才魁儷偶存辭翰士夫家珍逾拱璧於戲詩傳字傳入與傳也熙臺劉子距先生晚矣幼遊蕭明經載寅之門明經授韓城王文端楷法熙臺得筆總角天成先後與李棠邨名化南華嘯雲兩孝廉友名慶成淺斟低唱閒拍紅牙而熙臺之詩鮮明爽儻江東不第名溢流筆愈辭抗論文章時時右侯壯悔而亟推善也先生毫素嘗謂余曰字不浮于紙外非書也聲不鏗爾於意言之表詩亡也吾追侯生侯生貌矣余笑曰以若所云神行而超矣世無劍仙疇為空空兒乎竊嘗慨嘉水嘉山人文不蔚幾二百年于茲昔善也先生雖位不逮賢然鴈題開邦家之荒一門競雲龍之會熙臺以達夫中歲觀揚天廷捧檄南中更饒文遇迺孟郊詩骨敲佩無緣彼棠邨胡蝶官閒嘯雲桐鄉俎豆詩人一也而熙臺身世與侯生幾遭阮刃明經蚤終相去幾何雖然熙臺殉黔二十載矣詩文散佚今得一敬五郭長公為之倡拾捐鐫生無半面金石同心嗟乎熙臺雋才也敬五尙其風而刊其詩而傳其人公道也夫王公卿大夫士木既拱而得以公道傳詩人之至榮季世之慶也吾意海天兜率熙臺聞知或更有成連之奏乎凡百君子請試讀之當不啻聆蘇門長嘯抑將為拈花一笑

還山詞一卷羅星煥麗垣著

萃秀山房詩文集困後錄溫病舉隅醫學揭要潘俊著

文山龕詩文集各一卷郭肇修著其姪述皋有序

喟觚齋文錄二卷王兆涵著善化呂家駒為之序



序曰喟齋者敬符先生所居也先生故蜀士以優行推擇爲吏宰吾湘所至有政聲性伉爽與人出肝膽相示在官以嚴能稱治辦奸蠹不少貸嘗於客座酒酣述其治麻陽匪事謀定後發不煩援應邑已大安宰嘉禾整飭書院審定學約進諸生相勞勉士風以振凡先生所治之處皆邊遠煩劇也辛丑之秋來監求實書院事越明年大府遵旨興學更建爲大學堂以先生斟酌鉅細懇切周至仍以委之予因得從先生論文並時以治事相咨度而得先生之爲人也其年秋恭逢補行庚子辛丑恩正併科先生人闈分校事葺手一編示予曰僕作吏久矣書生結習未忘輒有以自怡悅風晨月夕心有所寄手寫而盈帙比年芟別其半而一二同志謂當刊而存之以志所夙好也子盍爲我序焉予維今之言吏治者必曰漢爲近古已漢之郡縣吏率出於士也然而士生今日則又爲世所詬病何哉方其橫經斗室之中尙論千載以上驅遣煙墨萬言立就及夫坐堂皇理民事持兩端莫知所措操刀使割其傷實多士皇然自思能不曰吾過矣吾過矣無惑乎第佗其冠者人望而迂之也然而迂之亦過矣盍眎乎所施者何如耳先生之爲學明於體達於用其有以徵諸性情見諸行事良不徒以文字見長也其又可概論邪自漢以經術取士賢良孝秀遞進爲守令號稱得人若文翁若龔遂若朱邑教養兼施文武惟用若召信臣旣舉文學又舉孝廉又舉賢良而南陽之迹謳思後世然則喟齋文錄胡可以不傳

喟齋詩錄一卷王兆涵著番禺陳慶森序

拙筆存真詩集二卷杜光第荔樓著

感應類鈔四時撮要潘大定號虛齋輯李嘉秀序

樂山縣志

卷十一

藝文志書目

三三二

刑法總類三編刑法各論四編民事訴訟法四編刑事訴訟法五

編李光珠著

毛詩義述十二卷周禮義述十三經源流詩注二卷杜宇國誌二

卷松桂堂集句詩古文辭鈔三卷忠州陳光績序秦中財政提綱

二卷永川鍾毓靈序均謝世瑄著

經傳九州通解一卷

黃鎔著春秋經王制傳爲方三千里之小九州尙書經周禮傳

爲方三萬里之大九州據中庸仲尼上律下襲故經義地有九

州上法天之九野驗小推大騶子之說非不經也是書刊於清

光緒戊申年同學李光珠爲之序



書經大統凡例一卷黃鎔輯舊解

皇帝疆域圖表二卷書經尙書中候弘道編二卷黃鎔述

周禮訂本略註六卷王制孟子合證一卷左傳杜氏五十凡駁例

箋一卷左傳經證一卷史記百編書序攷一卷黃鎔著

詩緯新解一卷世界哲理箋釋一卷黃鎔釋

東藩文集徐岱著

新三醫書醫案共十二卷湯顯忠著

半園詩存二卷壽愷堂雜俎一卷蛩吟草一卷王元盛著有傳

推步圖說一卷臥月山房詩文稿一卷王翰章著有傳

吟齋小草一卷劉秉鉞子方著

樂山縣志卷十一藝文志書目

中西數學通解微積學細草劉澤楨著

合山文集傷寒論翼各一卷宋懷璟著

藥性辨要陳化新著

通鑑要錄十二卷劉國棟著

怡情詩草彭懷瑾著

居易軒詩草二卷日記二十八卷犍廠鄉土記一卷詩書易講義

各四卷王秉鍾著

雨蒼文集四卷金匱總括詳解韻言一卷六經部位證治一串錄

一卷王沛霖著

附才媛



幻雲詩草四卷節母王何氏著氏金堂何麓生觀察之女邑貢生兵部主事王兆龍之媳邑人王畏巖序民國五年梓行

孤燕樓寒燈記三卷女士謝崇成著字益生古市鄉水口人隨父世瑄宦陝稟庭訓能詩文適夾江江德忠六年夫故遺子文煥撫孤守節有孤燕哀一篇寒燈詩六絕

倚蘭閣文詩稿女士謝崇安著崇成之妹適夾江江德龍忠縣陳庶咸爲題其稿曰倚蘭閣

樂山縣志

卷十一

藝文志書目

三四

宦寓書目

邦人君子著述吟咏果有述作所必蒐羅然丈夫蓬矢蹤跡靡常宦隱殊途因寄所託網羅舊聞亦稽古事也茲特拊記之太玄經十卷漢揚雄撰按子雲成都人受易學於君平輿地紀勝云子雲讀書洞在後谿延祥觀本名揚雄觀九域志以爲雄故宅也觀子雲讀書洞有子雲像高三尺許傍有二人列侍考詳山川編一云城西二十里揚雄山或云城西一里城西一里杳無形跡可尋惟城西二十里之象山有太玄二字

丹經漢陰長生撰神仙傳陰長生製黃表寫丹經四通一通以金之簡刻而書之封以白銀之函置蜀綏山又雲笈七籤峨眉山



北洞中石室戶樞刻石凡二十字不解其意義尙友錄長生入  
青城山丹成著書九篇白日升天而去

岑嘉州詩集八卷唐岑參著

繁城集一卷詩集十卷薛能著

徂徠集石介著魏了翁爲之記有傳

凌雲紀游黃庭堅著

東樓集古律三十首陸游著自序云乾道九年到漢嘉四十日以

檄道還成都因索在笥得古律三十首欲出則不敢欲棄則不

忍迺敍藏之渭南文集

周易集解井田圖說古今考經史雜抄鶴山集師友雅言宋魏了

樂山縣志

卷十一

藝文志書目

三五

翁著

讀書志二十卷晁公武著

嘉州志二卷呂昌朝著

竹坡集奏議講議經筵故事黃疇若著

大易要言春秋列國事目論語解歷代史本朝長編克齋文集詩

事類名物編楊泰之著

邵氏集二十卷西山集十卷聞見後錄三十卷邵博著

邱隅詩集喬世寧著王元美云喬景叔詩如清泉流溜新月放樹

蔣仲舒云景叔趣本爾雅調亦清和規模沈宋時沿李白

讀書錄二十卷薛瑄著



游峨圖記富好禮著

錦石齋詩集姚汝循著

見明詩綜  
靜居詩話

采木哀鳴錄明徐學周著嘉靖中任嘉州牧此錄凡六難喬中丞聚垣讀而傷之曰險阻艱難誰親於其身嘗之試嘗之雖百難可也

嘉州志知州李采撰

三丰全集八卷張三丰著是書清康時汪觀察錫齡字夢九所裒集嘉慶道光間李氏刻之板存高標山下清虛宮三清殿嘉定教授董承熙邑人李嘉秀撰序

孝經衍義大學衍義補儒宗理要釋奠禮書道憲張能鱗著

樂山縣志

卷十一

藝文志 書目

三六

教拙堂詩集知府陳奉茲著

入蜀偶存知府謝肇洙著

綏菴集蔣超著金壇人康熙壬子入蜀居大峨成峨山志志餘二

書此以二峨綏山名集疑居二峨

聽雲仙館詩文集湯成彥著南陵人

心鐵石齋詩文集嘉定府志四十八卷宋鳴琦著

樂山縣志十六卷知縣龔傳猷撰

憩園偶錄知府史致康著

完節錄一卷知縣毛輝鳳輯序曰茲錄錄李魏氏也氏不貳所天捐軀明志初訪聞時卽令約民呈報爲求其尸旣獲爲之棺殮



以葬爲之後使持喪已而請於大府聞於朝旌將至矣又勸邑人士爲立祠爲表墓以彰完節爲祠籌香火併贍其孤所以獎婦節者無不至已而遠近士林或歌或哭或贊或誄以詩文至者斐然成編柏舟之詠載在風什不同然乎爰自報呈以至各詩文都爲一帙題曰完節錄嗟乎臣死君子死父婦死夫忠孝大節古今之正理生人之至性也錄李魏氏詎僅爲氏言之歟錄完節詎僅爲凡爲婦者言之歟

歐陽遺書一卷歐睿年字公衛渠縣人獻賊屠川被執乘閒走脫更名歐陽直復見執於搖黃賊輾轉達嘉定樊一衡授以知縣劄訛陽字爲養卽相沿以養直名入楊展幕因流寓嘉州著有

樂山縣志

卷十一

藝文志書目

三七

蜀亂一書於嘉定清初事尤詳

芙蓉百詠廖俊著字文英

烏鼠山人集胡纘宗著

續修嘉定州志知州魏瀚撰

嘉州志十卷知州陳嘉言撰

天雲樓詩集二卷胡薇元著

南安采幹錄一卷訓導陳運隆著

西南會要無卷數申孝友著

嘉定志郭公益著

嘉定續志林潔已著

以上三條見於蜀碑記補之

終